

iii^e xxxii

(...)

Accord et assossia(ti)on entre raymond
anthoine et jean pendaries fre(re)s /

Comme ainsi soit que **feu anthoine pendaries**
quand vivoit **labo(u)re(ur) des filholz** par **son dernier testament**
receu par m(aîtr)e hilaire seigne not(air)e de villemur le **dernier**
jan(vi)er mil v^e iii^{xx} unse entre au(tr)es choses po(u)r tout droict
d'institu(ti)on eust donné et legué a **guill(aum)e anthoine jean**
et autre guill(aum)e pendaries ses enfans legitimes et naturelz
a ch(ac)un d'eulx la somme de cent escus payable par
ses au(tr)es enfans h(eriti)ers generaulx dans six ans aprez
qu()ilz seroient hors d'apprentissage chargeant sesd(it)
h(eriti)ers les nourrir entretenir et ()f(air)e instruire aux

.....

escolles et les mettre en apprentissage a quelque mestier
le temps et espace de quatre ans instituant et nommant po(u)r
ses h(eriti)ers universelz **raymond jean et autre raymond pendaries**
aussi ses filz legitimes et naturelz sous les au(tr)es charges
condi(ti)ons et substitu(ti)ons contenus aud(it) testament despuis
lequel et **decéz peu apréz survenu dud(it) anthoine pendaries**
seroient decedez desd(its) enfans **environ l annee mil v^e iii^{xx}**
doutze sçavoir **jean pendaries vieulx raymond pendaries**
jeune et guill(aum)e pendaries aussi **jeune** demeurans
survivans raymond pendaries aisé autre **guill(aum)e pendaries**
de p(re)se)nt not(air)e lequel suivant led(it) testament auroit esté
entretenu aux escolles, et apréz instruit en la pratique
q(u'i)l auroit continuee jusques a sa reception aud(it) estat
de not(air)e et po(u)r lesd(its) **anthoine et jean** auroient este
nourris et entretenus en la ma(is)on paternelle sous la
conduicte et gouvernement dud(it) **raymond le(ur) aysné**
et de **jeanne miquelle le(ur) mere** et legitime administrasse
ayant de le(ur) pouvoir travaillé et servy a l advancement
de la ma(is)on jusques a p(re)se)nt que se voyans avancéz en
eage auroient remonstré a icell(ui) raymond le(ur) fre(re) h(eriti)er
susd(it) ayant succedé ausd(its) feus raymond jean et guill(aum)e
pendaries (lesd(its) jean vieulx et raymond jeune h(eriti)ers avec
luy et led(it) guill(aum)e jeune legataire) que po(u)r satisf(air)e et
accomplir le contenu aud(it) testament / ils les devoit
mettre et collocquer en apprentissage po(u)r apprendre
quelque mestier d ailleurs leur payer leurs travaux
et vacqua(ti)ons par eulx faictes au proffict de la ma(is)on
ensemble le **dommaige et ()interestz** par eulx souffertz
po(u)r n'avoir led(it) raymond h(eriti)er satisfaict a la volonté de

.....

leurd(it) pere de sorte que po(u)r ra(is)on de ce ilz estoient en voye
d entrer en procéz po(u)r lequel esviter traictans leurs bons
parens et amis, desirans de vivre en paix fraternelle et
tranquilité ont faict et()passé l accord et transaction
que s ensuict / pour e est il que ce()jourd huy **vingt**
quatrie(me) de juillet mil six cens six, environ midy **au lieu**
des filholz viscomté de villemur dioceze bas montauban et sen(echau)cee
de th(ou)l(ous)e regnant n(ot)re souverain prince henry quatrie(me) de
ce nom par la grace de dieu roy de fran(ce) et de navarre
pardevant moy not(air)e royal soubz(sig)né dans la **ma(is)on** et
habita(ti)on **des parties** cy nommees ont esté en personne
lesd(its) **raymond anthoine et jean pendaries fre(re)s laboureurs**
dud(it) lieu lesquelz de gré et()franche volonté ont transhigé
accordé et convenu que renonçans et se desmettant
respectivement et ch(ac)un en ce que le touche de toutes
prethentions et droictz qu()ilz se pourroient demander l un
a l autre a cause du susd(it) testament et de toutes au(tr)es
choses aff(air)es et negoces survenus entr'eulx depuis
icelluy dont ilz sont quictes contantz et satisfaictz
reciproquement / ilz **demeureront affrezez et assossiez**
et()feront communauté de biens ensemble pendant
le temps et espace de **dix ans prochains** a conter
du jo(u)r p(re)se)nt /. et par ce moyen tous et ch(ac)uns les
biens de l heredité de leurd(it) pere ensemble toutes
acqui(siti)ons et conquestez faictz depuis le decéz d icell(ui)
par led(it) raymond demeureront commungs et appartiendront
esgallement ausd(ite)s parties soubz condi(ti)on que toutes

.....
charges debtes et subcides dont iceulx biens sont chargez
se payeront aussi esgallement et ch(ac)un po(u)r sa troisie(me)
partye semblablement tous proffictz et acqui(siti)os quy se
feront durant lad(ite) assossia(ti)on seront communs ausquelles
fins toutes parties seront tenues de travailler et apporter
tout ce que sera de le(ur) pouvoir et()industrie po(u)r la
conserva(ti)on et augmenta(ti)on ^°]ieeu] sans uzer d'aucune
fraude ny sefrustrer en aucune façon l un l autre tous
les revenus et()fructz desd(its) biens se mettront et mangeront
ensemblement et sans aucune separa(ti)on / dans une mesme
ma(is)on et tant par eulx q(ue) par la familhe q(u'i)lz ont ou
auront / toutes pertes qui surviendroi(e)n(t) pendant lad(ite)
assossia(ti)on seront communs et esgalles / et d autant q(ue)
led(it) **raymond pendaries** sur le traicté de mariage par luy
faict et accomply avec **anthoinette riviere sa femme**
a prins et()receu d icelle po(u)r son dot certaines sommes
de deniers qu()il a rendues et convertyes a l()acquietement et
accroissement desd(its) biens a cause de ce et en considera(ti)on
q(u'i)l estoit institué heretier , de sond(it) feu pere et avoit en
seul succédé aux susd(its) a esté convenu et accordé que
venant lesd(ites) parties a rompre lad(ite) assossia(ti)on et a diviser et
partaiger lesd(it) biens icell(ui) raymond po(u)r led(it) dot et()po(u)r
tout ce q(u'i)l pourroit plus prethendre sur lesd(its) biens q(ue)
lesd(its) anthoine et()jean ses fre(re)s prendra et tirera sur le

blot commung et de precipu(t) la somme de quatre cens
livres / comme pareillement venant iceulx anthoine et jean
a se collocquer en mariage ilz seront tenus d'apporter et
rendre les fruitz et revenus du dot et au(tr)es biens de leurs
^o desd(its) biens / ----

.....
iii^c xxx iiii

femmes au blot commung de lad(ite) assossia(ti)on et au cas prendroient
led(it) dot en argent le mettront aussi a lad(ite) communaulté
a la charge que venant a divi(si)on led(it) dot ne pourra entrer
au partage ains le(ur) demeurera clair comme cell(ui) dud(it) raymond
en oultre est expressement convenu que au cas pendant
lad(ite) assossia(ti)on lesd(ites) parties auroient aulcun different entreulx
seront tenus / en remectre a descision au dire et arbitrage
de elurs parens et amis a la premiere requi(siti)on de l une
desd(ites) parties sans aucune figure de procéz et a cause
q(ue) par le testament dud(it) feu anthoine pendaries pere desd(ites)
parties la susd(ite) **jeanne miquelle le(ur) mere demeure chargee
de prendre l administra(ti)on et tutelle** desd(its) enfans avec
jean pendaries leur cousin lequel ne l ayant voulu accepter
lad(ite) miquelle auroit este contraincte de f(air)e lad(ite) charge acustee
dud(it) raymond h(eriti)er susd(it) et en telle qualité regis et
gouvernéz les personnes et biens de sesd(its) enfans jusques
a p(rese)nt a laquelle seroit deub par iceulx une bonne
et notable somme de deniers tant po(u)r lad(ite) administra(ti)on q(ue)
po(ur) la pention et entretien a elle ordonné par le testament
de sond(it) mary ayant elle encore tousjours depuis
le decéz d'icell(ui) porté et employé les fruitz et ()revenus
de ses biens au proffict et acquitement des biens de
sesd(its) enfans / de quoy a l advenir elle eust peu le(ur) f(air)e
demande mais icelle miquelle illec presante, a ce
prieé et ()requis par lesd(its) raymond anthoine et ()jean
pendaries fre(re)s ses filz po(u)r d autant mieulx le(ur) ayder
a entretenir et continuer leurd(its) affrèrement et assossia(ti)on
de son bon gré et ()franche volonté leur a donné cédé

.....
quicte et remis par donna(ti)on faicte netre les vifz a jamais
yrrevocable toutes et ch(ac)unes les sommes de deniers et
au(tr)es choses q(u)ilz pourroient luy debvoir tant po(u)r ra(is)on de
lad(ite) administra(ti)on q(ue) po(u)r les arreyrages de la pention et
entretien qu()elle avoit sur lesd(its) biens et ce jusqu'au j(ou)r
p(rese)nt tant seulement / ensemble aussi de tout ce qu()elle le(ut)
pourroit demander des fruitz des biens a elle apparten(ant) par
elle portéz jusques a huy laquelle donna(ti)on et quictan(ce)
lesd(its) raymond anthoine et jean ^o / ont stipulee et acceptee
declairans estre bien contantz et satisfaitz de lad(ite) miquelle le(ur)
mere de l administra(ti)on par elle faicte et po(u)r ra(is)on
d icelle et de toutes au(tr)es choses aff(air)es et negoces entr'eulx
passes ont promis n luy rien demander / ains la
tenir quicte et deschargee de toutes promesses et obliga(ti)ons

par elle faictes pendant lad(ite) administra(ti)on / envers tous
ceulx qu()il apparten(dra) et po(u)r observer ce dessus lesd(its)
raymond anthoine et jean pendaries fre(re)s ensemble lad(ite)
miquelle le(ur) ere ch(ac)un en ce que le concerne ont
obligéz et yppothecquéz tous et ch(ac)uns leurs biens p(rese)ns
et advenir qu()ilz ont soumis a toutes rigueurs de
justice avec les ren(onciati)ons a ce requises et nec(essair)es ainsi
l ont promis et juré la main levee a dieu en p(rese)nces
de m(aîtr)es gaspar riviere procur(eur) en la co(u)r de m(onsieu)r le sen(ech)al
et siege pre(sidi)al de th(ou)l(ous)e **guill(aum)e pendaries not(air)e royal
de villemur** (fre(re) des susd(its)) pie(rre) chaubard vieulx labo(u)re(ur)
pie(rre) chaubard forgeron jean vigourous labo(u)re(ur) des filholz
et je not(air)e soubz(sig)ne avec ceulx quy sçavent / ^° pendaries fre(re)

Pendaries

Riviere

Timbal, not(aire) r(oyal)